

1409 sus Joannam Reginam ulciscendam transiit, Neapolitanum regnum jure belli suum fecit. Is postea ex Italia in Pannoniam vocatus, domestica fraude oppressus, Ladislaum superstitem reliquit: qui procedente tempore & ipse ad hæreditarium regnum recuperandum accitus, in Dalmatiam transgressus, Jaderam aliquandiu oppugnatam recepit. Interim certior per literas factus, Neapolitanos ac plerosque regni principes ad defectionem spectare, in Italiam trajecturus, urbem ipsam cum toto agro, littoribus, ac quicquid pelagi ad ejus fines attinet, centum millibus Veneto nomini vendidit. Ad quam recipiendam quatuor legati cum valido præsidio missi sunt, Franciscus Cornarius, Leonardus Mocenigus, Antonius Contarenus, & Fantinus Michael. Apud quosdam reperio, ante Venetos Jaderam recepisse, quam cum Patavino esset debellatum. Fuit ea res civitati longe grata, tum propter ipsum mare (est enim totius fere Dalmatiæ navigantibus opportunissima) tum quia, ea recepta, apparebat fore, ut omnis ora Dalmatica quandoque ad imperium retraheretur: quod ita sane non multo post contigit. Sunt qui tradant, totius Dalmatiæ jura Venetos a Ladislao cum Jadera redemisse. Decreta igitur ob hæc quæ diximus supplicatio, & in diem unum feriæ indictæ. Paucis interjectis mensibus Sicenses civili discordia laborare cœperunt, nobilibus rem ad Venetos trahentibus, reliqua civitate ad Pannoniæ regnum. Conternata multitudo arma capit, ejectaque optimatum factione, publicam administrationem invadit. Qui domo pulsi sunt, ad Venetas opes confugere: mox dedicationem pacti orant, ut primo quoque tempore ad Sicum recipiendum in Dalmatiam transeant. Expediuntur confestim longæ naves quatuor, aliaque minora navigia circiter quinquaginta. Urbs oppugnatione tentata, non solum defensa est, sed Venetus cum ingenti cæde est a mœnibus repulsus: apparuitque ex eo, sine majore belli apparatu urbem ipsam expugnari non posse. Mittunt itaque Patres Lodovicum Bucecharinum cum supplemento copiarum, qui terrestri bello Sicenses fatigaret. Sub illius adventum
ere-

Veneti Jaderam a Ladislao Rege redimunt.

In Dalmatia ob Sicum aliquandiu pugnatum.